

**4 JANUARI 2023**

**SESI PERJUMPAAN PENGARAH INSTUN BERSAMA WARGA KERJA BAHAGIAN TEKNOLOGI MAKLUMAT**

Permulaan Tahun Baru 2023 dimulakan dengan Sesi Perjumpaan Pengarah INSTUN Bersama Warga Kerja Bahagian Teknologi Maklumat (BTM).

Warga BTM mengalu-alukan kehadiran YBrs. Tuan Pengarah INSTUN di Pejabat TM4 pada jam 3.00 petang. Sesi ramah mesra dimulakan dengan ucapan alu-aluan oleh Ketua Bahagian Teknologi Maklumat (KBTM) serta pembentangan ringkas pencapaian Tahun 2022 serta perancangan bagi Tahun 2023.

Seterusnya YBrs. Tuan Pengarah memberikan sedikit amanat berserta nasihat kepada warga kerja BTM. YBrs. Tuan Pengarah juga memberi peluang kepada warga kerja BTM untuk berkongsi idea dan pandangan bagi menambah baik pelaksanaan tugas di BTM untuk kecemerlangan INSTUN.

Sesi ramah mesra diakhiri dengan sesi bergambar dan jamuan minum petang. Jutaan terima kasih diucapkan kepada YBrs. Tuan Pengarah INSTUN di atas kesudian untuk hadir ke BTM.











**5 JANUARI 2023**

**SESI PERJUMPAAN PENGARAH INSTUN BERSAMA WARGA KERJA BAHAGIAN  
PENTADBIRAN DAN KEWANGAN**

Bahagian Pentadbiran dan Kewangan (BPnK) telah mengadakan sesi perjumpaan bersama Encik Khairin Nazry bin Karim, Pengarah INSTUN bertempat di Bilik Persidangan, Anjung INSTUN. Majlis bermula pada jam 9.30 pagi dan dihadiri Pendaftar, semua Ketua Seksyen dan warga BPnK.

Majlis dimulakan dengan bacaan doa oleh Alfadhil Ustaz Mohd Haffiz bin Ahmad, Pegawai Hal Ehwal Islam dan seterusnya pembentangan pencapaian bahagian tahun 2022 serta perancangan tahun 2023. Pembentangan ini telah disampaikan oleh Pendaftar dan semua Ketua Seksyen.

Seterusnya, YBrs. Tuan Pengarah telah memberikan amanat serta nasihat kepada warga BPnK dalam mendepani tahun baru ini dengan lebih baik serta bersyukur atas kurniaan yang telah diberikan. Semoga perjumpaan ini memberi perangsang kepada seluruh warga BPnK untuk terus semangat dalam melaksanakan tugas harian.



Majlis diakhiri dengan sesi bergambar bersama Tuan Pengarah. Seluruh warga BPnK mengucapkan ribuan terima kasih kepada Tuan Pengarah atas kesudian hadir ke sesi pejumpaan pada kali ini.

















**10 JANUARI 2023**

**KUNJUNGAN HORMAT DELEGASI UNIVERSITI SULTAN AZLAN SHAH, KUALA KANGSAR, PERAK**

Satu kunjungan hormat dari Jabatan Syariah, Universiti Sultan Azlan Shah (USAS), Kuala Kangsar, Perak ke Institut Tanah dan Ukur Negara (INSTUN) telah diadakan pagi tadi.

Pihak USAS telah menyatakan hasrat untuk menjalinkan kerjasama dengan pihak INSTUN dalam bidang Falak Syari'e, penyelidikan dan kursus-kursus yang bersesuaian di INSTUN.















**10 JANUARI 2023**

**LATIHAN PENGUKURAN KERJA LAPANGAN MENGGUNAKAN TOTAL STESEN DAN GPS OLEH PASUKAN BUP**

Satu latihan pengukuran kerja lapangan menggunakan total stesen dan GPS telah dilakukan oleh sepasukan Bahagian Ukur dan Pemetaan, INSTUN yang diketuai oleh Sr Fazili Anuar Bin Md Yusof, Penolong Ketua Program Ukur Seksyen Pemetaan di Tapak Lot Tanah Kelab INSTUN di Tanjong Malim.

Tujuan latihan ini dijalankan adalah untuk mengekalkan kemahiran insaniah yang sedia ada disamping memberi nilai tambah kepada pegawai baru.

Rentetan daripada itu, pengukuran latihan yang dijalankan adalah pengukuran bagi penentuan had sempadan menggunakan total stesen Dan juga penggunaan GNSS receiver. Kaedah Stake Out bagi GNSS juga digunakan bagi membuat perbandingan nilai total stesen.













**12 - 13 JANUARI 2023**

## **LAWATAN UNIVERSITI TEKNOLOGI MALAYSIA**

INSTUN telah menerima kunjungan lawatan rasmi dari Persatuan Pengurusan dan Penilaian Harta Tanah (PEHARTA), Universiti Teknologi Malaysia dengan Kerjasama Fakulti Alam Bina dan Ukur (FABU), Skudai. Seramai 40 orang pelajar Ijazah Sarjana Muda Harta Tanah diiringi 2 orang pensyarah telah mengikuti lawatan ini yang bertujuan untuk memberi pendedahan berkaitan pengurusan dan pentadbiran hartanah secara terus serta aplikasinya dalam bidang pekerjaan.

YBrs. Tuan Khairin Nazry bin Karim, Pengarah INSTUN turut sudi menyampaikan taklimat dan nasihat berkaitan hala tuju dalam menceburi bidang kerjaya profesional. Satu sesi taklimat dan perkongsian berkaitan bidang ukur dan pemetaan telah disampaikan oleh Sr Fazili Anuar bin Md Yusuf, Penolong Ketua Program Ukur dan Pemetaan INSTUN. Semasa program ini juga, penuntut turut dibawa ke galeri INSTUN bagi meninjau dan melihat pameran berkaitan disiplin ukur dan pemetaan yang terdapat didalamnya. Seterusnya para penuntut juga dibawa melihat fasiliti lain yang terdapat dalam kampus INSTUN seperti Pusat Kalibrasi Pemetaan Utiliti dan Balai Cerap Mini Jabal Falak bagi mengakhiri siri lawatan pada hari pertama bersama Bahagian Ukur dan Pemetaan.

Sesi perkongsian ilmu selama 2 hari telah dijayakan dengan kerjasama Bahagian Ukur dan Pemetaan, Bahagian Pengurusan dan Perundangan Tanah serta bantuan teknikal dari Bahagian Teknologi Maklumat.















**14 JANUARI 2023**

**PROGRAM GOTONG-ROYONG BERSAMA KOMUNITI KUARTERS INSTUN TAHUN 2023**

Komuniti penduduk kuarters INSTUN telah menganjurkan aktiviti gotong-royong yang melibatkan kehadiran 80 orang terdiri daripada penghuni kuarters, staf pembersihan dan urusetia.

Tujuan gotong-royong diadakan adalah untuk

- i. Membersihkan persekitaran kuarters supaya bebas ancaman nyamuk, lipas, lalat dan tikus.
- ii. Memupuk budaya mementingkan kebersihan dalam kalangan penghuni kuarters.
- ii. Mengeratkan sirratullah antara penghuni kuarters.



















**30 JANUARI 2023**

**LAWATAN PENTADBIRAN TANAH KE PEJABAT TANAH DAN GALIAN (PTG) NEGERI PERAK**

Pegawai-pegawai Bahagian Pengurusan Dan Perundangan Tanah INSTUN telah mengadakan satu lawatan pentadbiran ke Pejabat Tanah dan Galian Negeri Perak.

Seramai 20 orang pegawai telah menyertai lawatan ini. Warga BPPT mengucapkan ribuan terima kasih kepada PTG Negeri Perak yang sudi menerima kehadiran kami dan berkongsi ilmu tentang Pelaksanaan e-tanah di Negeri Perak.

Sesi lawatan ini diakhiri dengan sesi fotografi dan pertukaran cenderamata sebagai tanda kenangan dan penghargaan.





















